

Protocol da la radunanza generala dals 22 november 2012, a las 20.30 I'l Restorant Chasa Veglia

Tractandas

1. salüd dal president e s-chüsas
2. tscherna scrutinaduors
3. prelecziun dal protocol da la radunanza generala 2011
4. rapport annual dal president
5. rapport da la chaschiera e dals revisurs da quint
6. rapports dal schef da pista, schef da turas, delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annuala
10. program da l'on
11. varia

1. salüd dal president e s-chüsas

A las 20.40 po il president Christian Poo salüdar a 23 commembers (inscrits illa glista da preschentscha). Eir scha la radunanza as rechatta i'l fumoier da la Chasa Veglia, giavüscha il president da desister da fümär quista saira, quai chi vain eir resguardà da tuots. S-chüsats s'han il schef da pista Jon Buchli, Chasper Buchli, Duri Valentin, Anna Barbla Buchli, Adriana Preuss, Fadri Preuss, Christoph Weiss, Dominique Benderer, Rico Zini, Otto Filli, Andri Taverna, Silvio Vital, Christian Häny, Elisabeth Sarott e Cla Sarott.

L'invid es gnü tramiss tenor statuts, uschè cha la radunanza es abla da trar decisiuns. La glista da tractandas vain approvada sainza müdamaints.

La radunanza s'adozza per ün minut da silenzi in memoria da Barnabà Casura e Cornelia Gredig.

2. tscherna scrutinaduors

Sco dombravuschs vain nomnà ed elet Gian Caviezel.

3. prelecziun dal protocol da la radunanza generala 2011

Il protocol da la radunanza generala 2011 es gnü tramiss insembel cul invid. El vain approvà cun applaus.

4. rapport annual dal president

Il president rapporta davart l'inviern passà chi ha cumanzà da quai brün fin süsom las muntognas, ma chi ha lura cuntinuà a partir dad intuorn Nadal cun naiveras. El orientescha davart occurrenzas dal club d'ürant l'on scuors. Tenor el sun las cuorsas dal club l'arrandschamaint il plü important per quel. La partecipaziun a quellas cuorsas es statta vaira allegraivla 16 persunas s'han partecipadas al passlung da not a Scuol, 28 al slalom e 38 al slalom gigantesc. La varianta cul passlung da not a Scuol s'ha verificada ed eir quist on varà lö il passlung a Scuol. Otras occurrenzas d'ürant l'on sun statts la joslada oura Vastur chi ha gnü lö plü tard co previs pervi da las naiveras al principi da schner, la gita cun gianellas e la gita cumbinada cun üna sairada sü Niruns. Plünavant manzuna el il rest da las occurrenzas chi han gnü lö: l'organisaziun dal passlung Martina – Scuol, las gitas da skis, la 29avla stafetta e la Traversada dal Vnuost. A tuot ils preschaints giavüscha el ün bel inviern, sainza accidaints ed el spera ad üna gronda partecipaziun als arrandschamaints dal club.

5. rapport da la chaschiera e dals revisuors da quint

Culla chascha dal club vaja bain. Il club ha pudü far ün guadogn da 249.10 fr. d'ürant l'on scuors e'l chapital agen importa uossa 23'744.60 fr.

Ils revisuors da quint Duri Valentin e Chasper Buchli han revis il quint. Quel vain fat bun cun dar dis-charg als organs responsabels.

Il guadogn es fich allegraivel, schi's resguarda cha'l club nun ha organsià l'on scuors ingün'ustaria pro'ls concerts da la musica. Las entradas da l'ustaria da la stafetta sun statta fich otas, grazcha a l'ora da bellezza.

Andri Linsel tira attent dad ir s'vess pro'l cumün pella contribuziun annuala, scha quel nu tilla paja sco tschels ons be da sai oura. Not Buchli es stut dal grond import da commembers. Cun quai cha tscherts commembers fan part eir a Swiss-ski es lur contribuziun plü gronda, quai chi augmanta eir quista posiziun. Da tschellas vart s'haja però lura darcheu sortidas a Swiss-ski.

6. rapports dal schef da pista, schef da turas, delegià Traversada e Stafetta tras Sent

Il president ha rapportà in seis pled da president davart las cuorsas causa cha'l schef da pista nun es preschaint a la radunanza. La pista pellas cuorsas dal club es fingià reservada.

Il schef da turas, Andri Poo ha grond plaschair da pudair comunichar chi s'haja pudü far duos bellas turas d'ürant l'inviern passà, üna sül Crap Putèr cun 8 partecipants da tuot las etats e relaziuns da bellezza ed üna da Val Roja sül Nockenopf. El spera da pudair cuntinuar eir inavant sco quist on.

Georg Buchli ed Armon Nuotclà rapportan davart las traversadas. Quist on nun ha gnü lö ingüna Traversada, 14 commembers dal club s'han però partecipats a la Traversada dal Vnuost. Als 6 lügl 2013 varà lö darcheu nossa Traversada. Il numer da partecipants crescha ad ün crescher ed i sarà üna sfida pel comità da la Traversada da verer co chi's vuol proseguir, per pudair listess realisar la Traversada da maniera chi nu vegnan surpassadas las capacitats da la chamonna Sesvenna.

Andri Gritti orientescha cha la partecipaziun a la stafetta tras Sent saja statta main buna cun 14 squadras cun in tuot 70 curridurs. Precis 800 personas han fingià fat almain üna jada la stafetta. El ingrazcha a tuot ils agüdants, als tempaders, a Seraina Riatsch chi organisescha la gimnastica per as s-chodar aint ed al comità dal club. Pella 20avla jada da la partida d'eira Niculin Caviezel. 5 ulteriurs partecipants han fat 10 stafettas. La data da la prosma stafetta vain fixada süls 14 gün 2013. Eventualmaing daja ün arrandschamaint special in occasiun da quist giubileum da 30 ons staffettas tras Sent. In nom dal comità ingrazcha il president ad Andri Gritti per tuot seis ingaschamaint e la chaschiera tira attent cha las entradas d'ustaria da quella saira d'eiran 870.- fr. Quist resultat uschè ot es d'attribuir a l'ora da bellezza.

7. mutaziuns ed onurificaziuns

Sco novs commembers vegnan bivgnantats las seguintas personas: Fabiana Wieser, Arina Riatsch, Manfred Koch, Flurina Jann, Sabina Stricker, Notarmon Buchli, Marina Jann, Severin Jann, Reto Rauch, Claudia Lopez e Dominique Benederer. Ils novs commembers preschaints survegnan la medagliina da commember, a tschels vain quella lura surdat plü tard. Claudia Lopez e Manfred Koch sun genituors da giuvenils chi fan part da l'OJ e pajan cun quai eir la commembranza da Swiss-ski.

Sortida es: Sonja Gartmann

Walter Casura, Otto Filli e Beat Hofmann vegnan onurificats sco commembers veterans cun quai ch'els fa part 25 ons al club da skis da Sent, Cristian Juon, Andri Taverna, Töna Pinggera e Cla Rauch fan part 40 ons dal club da skis da Sent. Els dvaintan cun quai commembers libers e nun han plü da pajar la contribuziun annuala. Ad els pertocca sinceras gratulaziuns.

8. tschernas

Causa la revsiun dals statuts da l'on passà cun tschernas spostas in avegnir daja quist on elecziuns specialas, a partir da l'on chi vain as poja lura far las elecziuns tenor statuts. Cun quai chi nu sun entradas ningünas demischiuns vegnan reeletts ils commembers dal comità in globo cun applaus:

Il president, la chaschiera, il schef da gitas e'ls revisurs da quint vegnan reelets per duos ons, l'actuar, e'l schef da material pella d'urada dad ün on. Il schef da pista resta in uffizi amo ün on, el d'eira gnü reelet l'on passà pella d'urada dad duos ons.

Ushè resta il comité precis listess sco fin qua:

president:	Christian Poo
actuar:	Mario Rauch
chaschiera:	Martina Weiss
schef da pista:	Jon Buchli
schef da turas:	Andri Poo
schef da material:	Plasch Caviezel
revisurs da quint:	Duri Valentin e Chasper Buchli

9. fixar contribuziun annunala

La contribuziun annunala vain fixada sün 25.- fr. per personas sainza commembranza da Swiss-Ski. Ils commebbers cun commembranza da Swiss-Ski pajan 50.- fr.

10. program da l'on

Il program da l'on es gnü protramiss. Il president piglia a cas jent incunter novas ideas. Nouv figüreschan eir cuorsas da passlung da la coppa RPN i'l program da l'on.

Varia

Il president ingrazcha a tuot quellas personas chi s'ingraschan pel OJ da passlung Valsot e l'OJ alpin Motta Naluns. Seraina Riatsch survain ün regal da recugnuschentscha ch'ella ha sustgnü als manaders da l'OJ da passlung singulas jadas d'urant l'inviern passà, Georg Erny e Curdin Preuss per lur ingraschamaint pel OJ alpin.

Il president ingrazcha a Cla Rauch per tuot l'ingraschamaint pel club in connex culla pagina d'internet. Plünavant ingrazcha el a tschels commembers dal comité per tuot lur lavur d'urant l'on.

Davo las discussiuns chi's vaiva gnü l'on passà a regard novs commembers chi nun han üna relaziun directa cun Sent s'haja decis cha da princip as esa tolerant cun acceptar novas dumondas, fintant chi nu dà minch'on prunas da dumondas per gnir commember dal club. Scha quella situaziun vess da's müdar, schi sto il comité revgnir a quista decisiun. I's pudess eir evitar cha tscherts genituors sainza relaziun cun Sent vegnan be commembers dal club per cha lur uffants possan as participar a l'OJ cun dozar las contribuziun per uffants da genituors na commembers. Il president voul tematisar quist fat cun tschels presidents.

L'OJ Motta Naluns ha bler massa pacs manaders. Il president ha üna sezzüa culs responsabels da l'OJ ingio chi's prouva da tscherchar soluziuns. Üna collavuraziun culla scoula da skis fuss pussibla, ma ha eir dischavantags. I dess lura manaders chi fan la lavur cun paja ed oters our d'idealissem.

La chaschiera giavüscha cha quels chi nun hajan amo annunzchà lura adressa dad e-mail fetschan amo quai. Ushè pudess ella trametter las infuormaziuns als commembers per e-mail.

Mario Riatsch ingrazcha pel sustegn per sia figlia Arina e manzuna ch'ella haja darcheu pudü cumanzar a far cuorsas, davo ch'ella es statta ferida d'urant la stagiun passada. Ella ha fat las prümas cuorsas da FIS.

Il president manzuna chi füess da far alch cul Cuvel da l'Iva, uschigliö va quel in decadenza. Quist giavüsch vain eir our dal ravuogl da la radunanza. Minchün vain intimà da far ponderaziuns davart ideas in quista chosa e da comunicar quellas al comité.

A las 21.45 serra il president la radunanza.

L'actuar

Mario Rauch